

Vakatura Direktiva di STINAPA

Fundashon Parkenan Nashonal Boneiru (Stichting Nationale Parken Bonaire) (STINAPA Bonaire) ta manehá e Parke Nashonal Marino Boneiru (inklusio Klein Bonaire) i Parke Nashonal Washington Slagbaai.

Ku apertura di Parke Washington Slagbaai na 1969, ya kasi sinkuenta aña pasá, STINAPA a bira operashonal; na 1979 a añañá tambe e Parke Marino.

Awendia STINAPA ta un organisashon profeshonal sin meta komersial ku ta manehá e parkenan di naturalesa i ta ehikutá un kantidat di otro tarea pa sirbi naturalesa, komunitat i ekonomia lokal di Boneiru. STINAPA ta manehá, protehá, i ta promové uzo responsabel i sostenibel di manera ku nos naturalesa úniko ta keda disponibel pa nos poblashon i pa futuro generashonnan.

Ku mas òf ménos 28 fte i un presupuesto anual di mas òf ménos USD 1,5 mion STINAPA ta suministrá entre otro servisionan manera: mantenshon di e infrastruktura di parkenan, dunamentu di konseho i sosten den trabounan di mantenshon i drechamentu di obranan den e parke marino, supervishon i mantenshon di lei, dunamentu di konseho i sosten den kaso di desishonnan kompleho i proyektonan ku tin un efekto riba naturalesa, un seri di aktividat edukativo na skolnan i e Programa di Junior Rangers di STINAPA, vigilansia sientífiko di naturalesa i investigashon biológiko, plantamentu di nobo i otro proyektonan di rekuperashon di naturalesa, kontrol di insidente den e parkenan, sosten ora di buskamentu i reskate, i suministroo di informashon i servisio na habitante-, kompania- i bishitantenan di Boneiru.

STINAPA no ta parti di gobièrnu, pero ta un organisashon sin meta komersial ku no ta risibí supsidio struktural di ningun gobièrnu. Práktikamente ta kubri e aktividatnan di STINAPA solamente ku e entradanan ku benta di kompensashon pa uzo di naturalesa (plaka di buseo/otro plaka di usuario) na bishitantenan ta generá i kontribushonnan di parti di personanan partikular i obra- i fasilidatnan den e parke marino di parti di empresanan.

E mando diario di e organisashon ta den man di un direktor general. E direktiva di e fundashon ta formá pa miembronan di direktiva boluntario, ku no ta risibí salario, ku riba título personal tin asiento den e direktiva. E direktiva ta keda formá pa medio di e sistema di kooptashon.

Na e momentu akí STINAPA ta buskando MIEMBRONAN DI DIREKTIVA NOBO.

Mirando e aktual konstelashon di e direktiva tin nesesidat di kandidatonan ku diferente 'background'. Algun di e kriterionan mas importante ta:

- bibá na Boneiru i un 'background' ku ta duna muestra di un kompromiso ku i konosementu profundo di e isla.

- Tin intenshon pa keda biba na Boneiru pa tempu indefiní.
- Eksperensia ku funshonamentu den funshonnan di direktiva, i den un relashon di direktiva-gerensia ku un perfil semehante i/òf un tamaño i struktura semehante.
- Konosementu di i eksperensia ku prinsipio- i kondishonnan di good corporate governance moderno den e sektor non-profit.
- Tin bon reputashon na Boneiru; un ret di kontakto grandi i outoridat den komunidad, sin ta mará (ainda) na interesnan ekonómiko òf gubernamental spesífiko.
- Ekselente dominio di diferente idioma unda papiamentu, hulandes i ingles ta di gran importansia.
- Konosementu amplio di i pa STINAPA relevante i eksperensia ku un òf mas di e siguiente terenonan spesífiko: gobernashon i atministrashon; hurídiko; finansiero i fiskal; HRM i organisashon; rekoudashon di fondo; merkadeo i komunikashon; mundu empresarial i turismo; komunidad i poblashon; naturalesa, historia i kultura; maneho di naturalesa/ekológiko.

Si bo tin interes, dirigí e ora ei un karta kòrtiku i un CV na STINAPA via e adrès di e-mail director@stinapa.org. Presidente (interino), señor M. Adriaens, i direktor, señor A. de Wolff, ta pone nan mes gustosamente disponibel pa duna mas splikashon.

E yamada akí ta keda na vigor te ora yena e vakatura di direktiva.